

Kalaallit Nunaanni sulisilluni ajoqusersinnaanermut isumannaarineq pillugu inatsit malillugu allaffissornermi 1. januar 2021-miit akigitat pillugit nalunaarut

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 64, imm. 4, aamma § 74, imm. 2 malillugit, tak. inatsimmut nalunaarut nr. 75, 16. januar 2017-imeersoq, Arbejdsmarkedets Erhvervssikringip siulersuisa innersuussuteqarnerisigut aamma social- aamma indenrigsministeri isumaqatigiinniaqatigereerlugu aalajangersarneqarpoq:

Arbejdsmarkedets Erhvervssikringip aamma Ankestyrelsenip allaffissornermut akigititai Kalaallit Nunaanni sulisilluni ajoqusersinnaanermut isumannaarineq pillugu inatsimmi ilaatinneqartut

§ 1. Kalaallit Nunaanni sulisilluni ajoqusersinnaanermut isumannaarineq pillugu inatsimmi aamma siusinnerusukkut peqqussutini ilaatinneqartunut Arbejdsmarkedets Erhvervssikringip allaffissornermut suliaanut akiliutit, aamma sillimmasiisarfinnut imaluunniit Arbejdsmarkedets Erhvervssikringimut tunngassuteqartut, tak. inatsimmi § 64, tulliuttut malippaat:

- 1) Ajoqusernermut: 10.170 kr.-it
- 2) Inuussutissarsiornermi nappaatinut: 5.450 kr.-it

Imm. 2. Imm. 1-imi taaneqartut akigitat taaneqartut sulianut nalunaarutigineqartunut nutaanut aamma misissuineranut aamma suliareqgitassanngortitsineranut akiliutigineqartarput.

§ 2. Ankestyrelsenip allaffissornikkut suliaanut 1. januar 2021 imaluunniit kingusinnerusukkut aallartitamut ataatsimut 10.800 kr.-nik akiliuteqartoqassaaq. Ankestyrelseni aalajangiisoqarneratigut suliamik immikkortumik aallartitsissaaq.

Kalaallit Nunaanni sulisilluni ajoqusersinnaanermut isumannaarineq pillugu inatsimmi § 74 aamma Kalaallit Nunaanni taarsiiviginninnissamut akisussaaneq pillugu inatsisip atuutilernissaa pillugu peqqussummi nr. 796, 1. oktober 1993-imeersumi § 10 mallilugit oqaaseqaatinut akiliutit, tak. nalunaarut nr. 1078, 11. september 2015-imeersoq

§ 3. Inatsimmi § 74 malillugu oqaaseqaatinut akiliutit tulliuttut malippaat:

- 1) Sulisinnajunnaarneq pillugu oqaaseqaatinut: 20.120 kr.-it.
- 2) Oqaaseqaatit allat: 8.300 kr.-it

Imm. 2. Imm. 1, nr. 1-imi akiliutissatut taaneqartoq aamma immikkut ittumik oqaaseqaammut atorneqassaaq, piffissarititaasut sulianut taaneqartunut pisut uppersaataat utaqqiisataagallartumik naliliinissamut atorneqarsinnaaneranut tunngatillugu imaluunniit ajoqusersimasup siunissami inuus-

sutissarsiutigalugu sulisinnaaneranik inaarutaasuumik naliliinermut tunngatillugu, apeqqutaatinnagu allanik oqaaseqaatinik piunasaqaateqartoqarnersoq.

Imm. 3. Aningaasat imm. 1 aamma 2 malillugit akilerneqassapput oqaaseqaateqarnissamut noqqaas-suteqartoqarneranut peqatigitillugu.

Atuutilersinneqarnera

§ 4. Nalunaarut 1. januar 2021 atuutilissaaq.

Imm. 2. Kalaallit Nunaanni sulisilluni ajoqusersinnaanermut isumannaarineq pillugu inatsit malillugu 1. januar 2020-imiit allaffissornermi akit pillugit nalunaarut nr. 1264, 2. december 2019-imeersoq atorunnaarsinneqarpoq.

Beskæftigelsesministeria, ulloq 3. december 2020

PETER HUMMELGAARD

/ Sine Frederiksen